



Anu Erisabeteac afoya 6 ammanu Anutungo angero mong kpara Gabirie sueu Gariraia provinsiu taong mong kpara Nadzarete, ihai kenec. Kemma ngac naroang kpara Maria, ye finge cmiec. Maria ye ngic mong kpara Yosefe, yeac enema anude, imoc bic deserigec amma Yosefe ye Dawidiac kisicfunac.



Memanu angerongo yofi edeec, "Maria,
ge mi kengecguu, Kebungo geac
negenu ngereeande. Amma
negenna, ge sabac mong
kpenanggema menade. Amma
ge medac yeac kpara Yesu
kpacbesena. Medac imocngo
engena yombong anude. Yeng
Anutu Engenatoaninaac
Medac, yeac kpara
ifi kpacgecde."



"Nga Kebu Anutungo ye kisiha Dawidi
yeac ngictauac tatac miu ihai
tarude. Amma yeng Yakoboac
kisicfora yeneac ngictau amma
nasoya kpac kefude nga
amabangeha garenggeude,
imoc wisic wisickea kpac
feeng kecbesande."



Ifi deu Mariango angero edeec, "Ni ngicgoc mong mi fedua nga imoc dafiugeng fingerudeac denec?"
Ifi kpesimiu yofi deec, "Tiri Asungo gearu mau Engenatoaac kucngo geac nokumuc amma kperacguude.
Imocac amma sabacga kpetiac fingerude, yeac kpara Anutuac Medac degecde."



Naso mi hereemanu Mariango efaima Yudaiaac
sifec bangecfu taong monnu kenec. Kemma
Dzekariaac amau emma Erisabete
wenacngerec demiec.

Nga Erisabetengo
Mariaac yoac negenu
sabac hereau tarec,
imocngo kpidohoec.
Kpidohou Tiri Asungo
Erisabetearu wakeu
ye kunengngoc
kpacma deec, "Ge
ngac botucninau
kenecgagoc nga

sabac heregau
tacde, ye kenehagoc."



Yomoc Yesu Kristoac fingec
fingecac siduc. Maria nga
Yosefe yeri eweeneng
anecdeac yoac dedzege
bic anoc nga Maria yeng
ine Yosefegoc feyac
mi ammaec Tiri
Asuarunac medac
kpenanggeec. Nga
ewea Yosefengo ifi
negemma ngic kpetiac
kefecac ngicngac yeneac
kicfu enembingeha
gamekpekpe ammiudeac
negenu naric mi anu negen



negengua
mema
tembuhau
aikic
waudeac
negeneac.



Ye imocac negen negengua mema
kecmanu Kebuac angero mongngo ine
gauu fingeemima yofi edeec, "Yosefe,
Dawidiac kisicfunac, ge enembingecga
Maria menadeac mi kengecgubeso.
Sabac hereau tacde, ye imoc
Tiri Asuarunac."



"Mariango medac mong meude,
yeng kecma ngicngacfora
kopocsinginaunac mesiyunuu
komoc kpegecde. Imocac ge
kpara Yesu mibesena."



Anu Yosefengo gauunac yacma Kebuac
angerongo yoac edeec, imoc modacma
kemma Maria hesickema ameau enec.
Enu yeri eweeneng kekec bic mi
kecmaecngoc medac fingeru
kpara Yesu kparoc.



Kwiriniungo Siria bangecac gawana kefec, naso imohai
Roma bangecac ngictau Sisa Agustongo bangeha
bangeha kpacarengngina
mengeregecdeac yoac
faiu kendarec.



Nga imocngo osokporeng hanac hanahea anec. Ifi anu ngicngac sasawango kpacarengngina mengeregecdeac taongngina fekenec, imocacsoc kendacgec.



Yosefe ye Dawidiac kisicfunac, imocac amma yeng
Gariraia provinsiunac erema
Nadzarete wama Yudaia
provinsiu Dawidiac
taongbisiac kpara
Betereheng,
ihai kenec.



kenoc. Nga enembingeha
Maria ye hereagoc anu
yegoc yerahafoc
kpacngira kpacarennu
ohogecdeac.



Yeri ihai kecmaec
sabacac fingec
fingecnaso haec.



Anu yeri amatatacfu titinga mong mi feecac yeri
ngadeau tacmaec morocmedacngira
fingeru Mariango sangohoma
ramaburumaka otou ihai faiu
keema feec.



Anu toforecfu ramagareng goa yeni Betereheng ama
wegenacfu ramafocongina garengyunuma kecgec.



Kecmagec Kebuac angero mongngo fingecyemmeu
Kebuac kibikperagitoayango mekperagiyunuu yeni
kengec ebiria anggec.



Ifi anggec yeng edeyunuec, "Ngeni kengec mi anggec.
Imoc yofiac, yaguc yombong ngeneac amma Dawidiac
taonnu Messia Kebungina fingeacdac,



ye ebicnginaunac
mesingunuude."



"Nga ngicngac sasawa yeac amma ebiriangoc
sogaigecde, ni siduc gombung imoc
dekperagingemmeduae."



"Sabac ye merac imoc negenggecdeac ma yomoc
ngemmebade, ngeni kemma ramaburumaka
otou sabac mong kporucngo birac



biranggea feu
meficgegecde."



Ye ifi demanu imohaingoc kurumenggac angerohabu
kuneng, yeneng fingeema yegoc namma
Anutu dengerema yofi degec, ...



... "Anutu ohec, wi kurumennu febeso nga bangecfu ruae fingeCBSO. Anutungo ngicngac wosoefac ayemmede."



Ifi dema angero yeni kurumennu
dzigenema enggec ramagareng yeni
yenaocngoc denegeng amma degec,
"Betereheng taonnu faka fingeru
Kebungo edenunudac, imoc bic
kemma henni."



Ifi dema yeni bic kemma Maria nga
Yosefe amma sabac oto manau feec,
yeni meficyunuma yenenggec. Yenemma
angerongo sabac yeac yoac deecmoc,
imoc edeyunugec negendacgec.



Yesu Betreheng
amau Yudaia
provinsiu fingerec,
naso imohai
Herodengo
ngictau kefec.

Kecmanu negen negengngic goa
bangec wenac ere ereaunac
Yerusalennu hama yofi degec,
"Yudangic ngeneac ngictau
fingecdac, ye dahai?"



"Neni wenac ere
ereau tacma yeac
asomeng ereu
hemma ye

eweheiminideac
hadimbe."



Ifi edegec Herodengo
wenac ere ereaunac
negen negengngic
tembucfu heitaiyunuma
asomeng noc nasoac
fingerec, imocac naso
dindingac negenudeac
dekpesi ayemmeu edegec.



Edegec yeng yofi
dema Betreheng amau
sueyunuec, "Ngeni kemma
sabac dahai fede, imoc
hofocma mefigema
hama edenugec neng
mong ifingoc kemma
eweheimibesare."



Ngictaungo ifi deu yeni imoc negemma sinnu kenggec.
Kemmasomeng wenac ere ereau henggec, imocngo
monggoc fingeru hemma ubangerectoa

negemma desogai homac
anggec. Nga asomengngo
waraiyemmeu kengkecma
sabac feec, ama
imocac witiau
heiserima tarec.



Taru yeni amau emma sabac nga nonggea Maria
yerenggec. Yeremma fafoc heima ngonducnema ye
afehegec. Amma finachienginaunac

ubangerecac wiac yofi
widicma migec, gol nga hosuc
homungkerengagoc amma
icsopea homuna
gombunga
kpara mira.



Nga Anutungo yeni Herodearu sing mi dzigenegecdeac
gauu goro dema dederecge ayemmeu yeni sing monnu
sing bangecnginau dzigenegec.



Dzigenema kenggec Kebuac
angero mongngo Yosefe gauu
fingecmima yofi edeec, "Ge
yacma sabac nonggeagoc
meyuruma worama Aigita
bangecfu kemma
kecgec. Kecmagec
neng edengunubaguc
monggoc habisia, nocac
Herodengo

sabac hofocma meficgema
kpehomeudeac dede."



Ifi deu Yosefengo tofocnac
imohaingoc yacma sabac
nonggeagoc meyuruu
Aigita bangecfu kenggec.
Kemman ihai kecmagec
Herode homeuguc
dzigenegec. Nga
Anutungo profeteac
enacfu yoac faiu yofi
deec, "Ni Aigita



bangecfunac medacna
kpacba haec." imoc fora
anudeac ifi fingerec.



Anu negen negengngic yeneng
Herodeac yoac wagec, ye ifi
hemma herebutoa negenec.





Negemma Betreheng nga
amabangec imocac wegenacfu
tarec, imohai wasaingic
sueyunuu yeni ngicngac
imoc yeneac medacfocngina
kifangina yohockang namma
made, yeni sasawa



yunuhomedacgec.



Imoc negen negengngic
yene arunac naso negenec,
imocac sirihau anec.






Anu Herode homemanuguc
Anutuac angero mongngo
Yosefe gauu finge cmima
yofi edeec, "Ge yacma
medac nonggeagoc
meyuruma Isracel
bange cfu kenna, medac
kpehome besonga
degec, ngic imoc yeni

bic homegec."



Kemma Yosefengo
yoacsiduc yomoc
meficgeec, "Akelaongo
mama Herodeac tatak
mema Yudaia
provins,



imocac ngictau anec."
Yosefengo imoc meficgema ihai
kecbeso kengec kpeec. Nga ye gauu goroyoac
negenecac Gariraia provinsiu kenec.



Kemma taong mong
kpara Nadzarete,
ihai emma kecgec.



Profete yeneng yoac
yofi degec, "Ye nadzaretengic,
ifi degecde." imoc fora anudeac ifi fingerec.



Imoc
yofiac, Anutungo
bangectoa bangecfu ngicngac ngeneac
noc isoc ammiécac Medaha mocgu faiu
bangecfu maec. Imocac ngic mongngo
ye negensinggeude, ye manganau
mi kemeude yeng ine
kekecseri meude.



Roma 3:23 nenang sasawa kopocsic meficgema kuc nga kibikperagia Anutuarunac haande, imoc kekecninau obohoma kecdimbe.

Roma 6:23 Imoc yofiac, kopocsicac buma imoc homec megecde nga Anutuac wosoefac, imoc Kebunina Yesu Kristoac amma kekecseri buma kpac nemmebesande.

Hebiraio 9:27 Anu ngicngac sasawa naso mocgusac homenideac dedea nga ngadeau kecma yoacfu nambesonga.

Efeso 2:8,9 Imoc yofiac, ngeni Yesu negensinggegecac yeng danggunuha ngemmema kopocsicac ebicfunac mesingunuu komoc kpegecde. Nga imoc ngenang gombunggac kpac.



Anutungo wosoefahaac amma wiac imoc ngemmeec.
Imoc ngenang angammemeac kpac. Imocac ngic mongngo
yengenaac negenu wiac engena mi ambeso.

Roma 10:9,10 Imoc yofiac, ge enacbibicgango, Yesu ye
Kebu, imoc dekperaginade nga Anutungo Yesu
homecfunac megboriec, imoc negensinggenadeu
Anutungo kopocsicgaac ebicfunac mesiguu komoc
kpenade. Nenang ubahereninango ye negensinggeni yeng
dindingac denemmeude. Nga enacbibicninango ye
dekperagini yeng kopocsicninaac ebicfunac
mesinunuu komoc kpenide.

Yohane 3:16,17 Imoc yofiac, Anutungo bangectoa
bangecfu ngicngac ngeneac noc isoc ammiacac Medaha
mocgu faiu bangecfu maec. Imocac ngic mongngo ye
negensinggeude, ye manganau mi kemeude
yeng ine kekecseri meude.



Anutungo Medaha bangecngic manganangina isinggema
desiudeac sueu mi maec, kpac. Ye bangecngic ebicfunac
mesiyunuu komoc kpegecdeac bangecfu sueu maec.

1 Yohane 5:11-13 Nga dedekperagia yomocngo hepucnina
ande, Anutungo kekec wisic wisickea kpac nemmeec nga
kekec imocngo Medahaaru fede. Ngic mong ye Medac
hoanggeude, yeng kekec foragoc kefude. Nga mong ye
Anutuac Medac mi hoanggeude, ye ine kekec foragoc mi
anude. Ngicngac Anutu Medahaac kpac negensinggedae,
yeng kekecserigoc kecgecde, ngeni imoc
negentegecgecdeac kibi yomoc ohongemmeduae.



Mataio 1-2; Ruka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Dedua Bible (ded) © (Active), Wycliffe Bible
Translators, Inc. All rights reserved.

<https://live.bible.is/bible/DEDWBT/MAT/1>

©2024 Bible for Children, Inc.

www.M1914.org

www.bibleforchildren.org

